



張仲景金匱要畧論註卷二十二

樵李徐

彬忠可甫著

姪徐

燿朗仙父較

婦人襍病脉證并治第二十二

論一首 脉證合十四條
方十四首

婦人中風七八日續來寒熱發作有時經水適斷此
為熱入血室其血必結故使如瘧狀發作有時小柴
胡湯主之方見嘔吐中

註曰婦人熱入血室有四人血室必譫語此則不

謔語而但如瘧狀者謂傷寒男女皆有之而婦人
 有獨異者故首曰婦人中風即傷寒中所主桂枝
 湯之風證也七八日則表邪已解矣復有寒熱故
 曰續來然不長熱故曰有時問其經水則已來而
 適斷明是餘熱未盡乘虛入之則餘血必有結者
 故寒熱有時然非太陽傳入少陽之比因結血之
 熱致有此病故曰使如瘧狀雖非傳入少陽之比
 其藥仍用小柴胡者蓋血室之氣肝主之肝與膽
 為表裏膽因肝受邪而病如瘧非他藥所宜故亦

主和其半表裏謂上焦氣和而驟結之血將自行。若峻攻之如抵當湯證則亦犯少陽之禁也。

婦人傷寒發熱經水適來晝日明了暮則讖語如見鬼狀者此爲熱入血室治之無犯胃氣及上二焦必自愈。

註曰此言熱入血室不必血結而初卽搏邪爲患者曰傷寒卽所謂無汗惡寒者也曰發熱此病之初也曰經水適來來則經水初行之時也邪盛經氣亦盛適相值寒邪必傷榮故邪與血搏血屬陰。

王夜故晝則熱雖發而明了暮則入陰分邪挾陰
氣而爲讖語如見鬼狀者讖之甚也此爲熱入血
室者言血室雖在內而表邪實未嘗犯胃及上二
焦之內故曰此者只此而非表邪入裏也治法亦
惟和表邪而畧兼清血室之熱足矣誤以爲客邪
入內而攻之則所傷實多故曰無犯胃氣及上二
焦必自愈必云者內原無病可攻故雖不治而必
愈也

婦人中風發熱惡寒經水適來得七八日熱除脉遲

身涼和胸脇滿如結胸狀讖語者此爲熱入血室也
當刺期門隨其實而取之

註曰此言經與病值不卽爲患而病解後反搏邪
在胸脇作楚者謂中風病雖稍異于前之傷寒然
發熱惡寒經水道來與前之邪盛經亦盛無二後
七八日熱除脉遲身涼和是經在病中行而不礙
也却七八日後反胸脇滿如結胸狀讖語是入血
室之熱不竄于經而結于肝之府故脉之所過處
爲滿甚則如結胸狀陰火盛則讖語也然滿雖在

胸脇非少陽表邪。雖如結胸。非太陽表邪入裏。雖
讖語。非胃實。故曰此熱入血室。亦見不可誤攻胃。
及上二焦也。當刺期門。期門者肝之分也。此肝實
之病。瀉其實則愈。故曰隨其實而取之。
陽明病下血。讖語者。此爲熱入血室。但頭汗出。當刺
期門。隨其實而瀉之。漑然汗出者愈。

註曰。此言陽明病亦有熱入血室者。但下血頭汗
出不同耳。陽明病卽頭痛鼻乾不眠是也。假如轉
入陽明之腑。則必有汗。譫語等爲可下之證。何緣

而動血乃下血。譚語故知爲熱入血室。然陽明宜
通身有汗。此血中有熱而血耗。耗則下。虛搏邪身
爲燥。陰所把故無汗。唯頭則陰不能入而陽仍通。
故汗此病亦由肝實不當責陽明。故亦刺期門而
曰隨其實而瀉之。澌然者通身微微似汗也。汗則
肝不強而陰陰平。故愈。

論曰熱入血室。仲景專就婦人言之。以有血室而
行經。婦人所獨也。然男子兩腎間七節下亦有血
海穴。假令平日血弱之人。感風寒亦或能襲之。凡

見有陽明證而變下血。謔語中風已愈而如瘡傷寒初起而夜如見鬼。中風已愈而脇滿。謔語不當以此意通之乎。

婦人咽中如有灸癰。半夏厚朴湯王之。

註曰此條卽後所謂寒傷經絡凝堅在上也。灸癰譬如乾肉也。千金所謂咽中帖帖如有灸肉吐之不出吞之不下。狀如有灸癰。數語甚明切。此病不因腸胃故不礙飲食。二便不因表邪故無骨痛寒熱。乃氣爲積寒所傷。不與血和。血中之氣溢而浮。

吐血瘧氣
不與血和
而妄出或
上氣亦宜
用之

於咽中得水濕之氣而凝結難移婦人血分受寒
多積冷結氣最易得此病而男子間有之藥用半
夏厚朴湯乃二陳湯去陳皮甘草加厚朴紫蘇生
薑也半夏降逆氣厚朴兼散結故主之薑苓宜至
高之滯而下其濕蘇葉味辛氣香色紫性溫能入
陰和血而兼歸氣於血故諸失血以赤小豆和丸
服能使血不妄行夏天暑傷心陰能下暑鬱而灸
鬱者用之則氣與血和不復上浮也
論曰余治王小乙咽中每噎塞嗽不出余以半夏

即四七湯
加生姜

厚朴湯投之即愈後每復發細問之云夜中燈下
每見暈如團五色背脊內間痠其人又壯盛知下
初因受寒陰氣不足而肝反鬱熱甚則結寒微動
挾腎氣上衝咽喉塞噎也即于此方加大劑枸杞
菊花丹皮肉桂暈乃漸除而咽中亦愈故曰男子
間有之信不誣也

半夏厚朴湯方

半夏一升 厚朴三兩 茯苓四兩 生薑五兩

乾蘇葉二兩

右五味以水一斗煮取四升分温四服日三夜一

服

婦人藏燥悲傷欲哭象如神靈所作數欠伸甘麥大

泉湯主之

原本藏字與陽通

註曰此條即後所謂或有憂慘悲傷多嗔也藏五臟也燥謂婦人血室先受積冷而鬱久為熱則藏

為之燥靈樞曰一陰主關關之闔折則肝氣絕而

善悲則知燥氣乘肝為悲傷欲哭象如神靈所作

病從血來故見陰象也靈樞曰胃病善伸數欠顏

下金論藏虛藏燥俱藥指陰分言總是陰分燥則乘肺乘肝皆

能作悲濟

陰綱目單

沿脉宋

是更將此

條前入洽

前九非

麥為肝家

之穀故亦

能滋肝

黑則知燥氣侵胃為欠伸然使肝氣津潤君火不
 亢則藏陰之燥不敢乘肝侵胃今令悲傷欠伸其
 肝陰之熱可知心分之熱亦可知故以甘麥大棗
 湯主之謂小麥能和肝陰之客熱而養心液且有
 消煩利洩止汗之功故以為君甘草瀉心火而和
 胃故以為臣大棗調胃而利其上壅之燥故以為
 佐蓋病本于血心為血主肝之子也心火瀉而土
 氣和則胃氣下達肺藏潤肝氣調燥止而病自除
 也補脾氣者火為土之母心得所養則火能生土

也。

甘麥大棗湯方

甘草三兩 小麥一升 大棗十枚

右三味以水六升煮取三升分温三服亦補脾氣

婦人吐涎沫醫反下之心下即痞當先治其吐涎沫

小青龍湯主之涎沫止乃治痞瀉心湯主之

方俱見前

註曰此條即後所謂疑堅在上嘔吐涎唾也婦人

下焦素有積冷而凝于上之內為飲又得客寒故

吐涎沫是積寒為本而客邪為標也然邪高在肺

宜從傷寒。心下有水氣者。論治。但彼無積寒。故乾嘔。此有疑寒。故有涎沫耳。醫者下之。是胃未受邪。而誅責無過。故曰。反藥傷其胃。客氣動膈。故心下即痞。究竟下雖作痞。而上之客寒水氣未服。當先治其本。故主卜青龍。則水氣與客寒俱去。而涎沫止。痞不過。誤下之陰邪客于心下。故以大黃芩連峻瀉心下痞。鬱之邪。可一服而愈也。

婦人之病。因虛積冷。結氣爲諸經水斷絕。至有歷年血寒積結胞門。寒傷經絡。凝堅在上。嘔吐涎唾。久

成肺癰形體損分。在中盤結繞臍寒疝或兩脇疼

痛與藏相連。或結熱中痛在關元脉數無瘡肌若

魚鱗時着男子非止女身。在下未此字疑誤多經候不

勻令陰掣痛少腹惡寒。或引腰脊下根氣衝氣衝

急痛膝脛疼煩。奄忽眩冒狀如厥顛或有憂慘悲

傷多嗔。此皆帶下非有鬼神久則羸瘦脉虛多寒

三十六病千變萬端審脉陰陽虛實緊弦行其針藥

治危得安其雖同病脉各異源子當辨記勿謂不然

註曰此段敘婦人諸病之由所以異於男子全從

經起舍此則與男子等也。及其變爲各病，因稟之
強弱時之虛實，上下寒熱之偏勝，而見證不同。其
治之，或從標，或從本，卽前後所述諸病，可推此則
言其大槩也。婦人之病，至胞門數句，爲一篇綱領。
因虛積冷，結氣六字，尤爲綱中之綱。謂人不虛，則
邪不能乘之；因虛故偶感之冷，不化而積，氣熱則
行冷則凝，冷氣凝滯，久則結結者不散也。血遇冷
氣而不行，則經水斷絕，然有微甚，上下不同，故曰
諸至有歷年血寒者，氣冷則血寒也。胞門卽子宮。

所通陰中之門也。爲經水孔道。冷則瘀積而凝。其
月水之來矣。寒傷經絡。至損分數。句爲一段。謂
冷積開元。始時尚微。陽衰之後。榮衛相干。結寒氣
注經絡。受傷相緣。上入而凝。堅在上。客邪并之。嘔
吐涎唾。久則氣壅而上焦熱。熱則肺傷而癰。初時
止氣受寒。結至此。漸及形體。故曰形體損分。此爲
病之變而在上者也。在中四句爲一段。謂上焦
之元氣或盛而無客邪。并之則寒邪不能上侵。盤
結在中。臍主中焦。故遠臍寒。疝寒。疝寒痛也。然兩

脇者肝所主。肝之經爲厥陰。起于下。治于脇。故每與臧相連而痛者。有之。不必盡然。或有也。或結熱中。至女身數句。爲一段。謂人之稟賦不同。中氣弱者。爲寒所侵而疝矣。若其中氣素熱。下邪并之。卽爲熱中病。而關元之寒客熱不能消之。故痛仍在。然胃熱故脉數。不由榮分之熱。故無瘡。雖無瘡而容熱所至。榮氣作燥。故肌若魚鱗。魚鱗者。肌粗不滑之狀也。時着男子。非止女身。謂冷氣收斂。不能及人。熱中則氣熱。男女交合。感其熱而男子

亦○然○非○止○女○身○肌○粗○矣○此○上○兩○段○言○病○之○變○而○在○
中○本○爲○寒○或○爲○熱○者○也○。○在○下○四○句○爲○一○段○謂○關○
元○已○下○寒○冷○或○多○則○冷○低○而○經○不○全○妨○但○期○候○不○
調○勻○冷○近○於○陰○故○陰○痛○掣○抽○痛○也○。○于○是○少○腹○陽○氣○
少○則○惡○寒○矣○此○言○病○之○變○而○在○下○者○也○。○或○引○腰○
脊○四○句○爲○一○段○謂○病○侵○下○之○經○絡○則○骨○節○之○間○上○
下○無○定○自○腰○脊○氣○衝○膝○脛○無○此○不○疼○者○有○之○此○言○
病○之○變○于○骨○節○者○也○。○奄○忽○四○句○爲○一○段○謂○邪○入○
既○深○神○氣○受○之○則○陰○火○熾○而○元○首○之○陽○衰○爲○眩○爲○

胃陽氣虧而神明無主為厥為癩藏氣既燥稍或有憂慘相感則悲傷多嗔此言病之變于神氣間者也。然厥癩悲傷似乎有鬼神者不知前此皆帶脉已下為病而非鬼神帶下者猶言帶之下非如今人所謂白帶也其病之初發各因形體之寒熱為寒熱久則元氣耗而肌肉削故羸瘦久則經脉虛而陽氣少故多寒三十六病者十二癥九痛七害五傷三瘡也詳首卷審脉陰陽虛實緊弦二句此總結全篇之治法謂變雖萬端總不出乎陰

陽虛實而獨以緊弦為言者蓋經阻之始大槩屬寒故氣結則為弦寒甚則為緊耳示人以二脉為主而參之兼脉也針藥者各有相宜也然病形雖同脉有各異所異之部即為病源故脉各異源此段為婦科辨證論治之最要語故令辨記且戒之耳

問曰婦人年五十所病下利數十日不止暮即發熱少腹裏急腹滿手掌煩熱唇口乾燥何也師曰此病屬帶下何以故曾經半產瘀血在少腹不去何以知

之其證唇口乾燥故知之當以溫經湯主之

註口此段言歷年血寒積結胞門而甚焉者也故就婦人之年暮經水斷絕者而亦必據證斷之以立法也謂婦人年五十其天癸已絕應不從經血起見矣然而病證下利數十日不止知非偶感矣暮卽發熱病屬陰矣少腹裏急明乎病屬下焦矣因而腹滿是雖脾病而根于下焦矣手掌煩熱掌屬心心主血血鬱則熱煩也唇口必得脾家榮氣而津潤榮氣鬱則陰火從之故乾燥非渴也渴則

爲胸中熱。胸無熱而但陰分有鬱火。故不渴而乾燥也。然皆非相因的對之證。故疑而問仲景。乃畧其下利發熱。腹滿而斷之爲帶下。且決其曾經半產瘀血在少腹不去。謂下利而發熱。陰虛者有之。因而少腹裏急。下多亡陰者有之。腹滿。脾虛者有之。手掌煩熱。陰虛者亦有之。若唇口乃榮氣所主。下利之病不應見此。然而有是證。又合之少腹裏急。手掌煩熱。明是血瘀而火鬱。所以心得之。而掌熱。脾得之。唇口燥。故曰其證唇口乾燥。故知之。藥

用溫經湯者。其證因半產之虛。而積冷氣結。血乃
瘀而不去。故以歸芎芩調血。吳茱桂枝以溫其血。
分之氣而行其瘀。肺爲氣主。麥冬阿膠以補其本。
土以統血。參甘以補其虛。丹皮以去標熱。然下利
已久。脾氣有傷。故以薑半正脾氣。名曰溫經湯。治
其本也。唯溫經。故凡血分虛寒而不調者。皆主之。

溫經湯方

吳茱萸

三兩

當歸

二兩

芍藥

二兩

芎藭

二兩

人參

二兩

桂枝

二兩

阿膠

二兩

牡丹皮

二兩

生薑 二兩
甘草 二兩
半夏 一升
麥冬 一升
去心

右十二味以水一斗煮取三升分溫三服。亦主
婦人少腹寒久不受胎兼治崩中去血或月水來
過多及至期不來

帶下經水不利少腹滿痛經一月再見者土瓜根散
主之

註曰帶下卽前所謂此皆帶下非專指赤白帶也
蓋古人列婦人因經致病凡三十六種皆謂之帶
下病故此節冠以帶下二字後不復重出耳不利

此比去瘀
血湯乃漸
化之也得
力在桂枝

者不能如期也。因寒而瘀，故少腹滿痛。然既有瘀，而不利，則前經行未暢者，不及待後月正期，乃一月而再見也。藥主土瓜根散者，土瓜即草部王瓜也。性苦寒，善驅熱行瘀，虜虫兼活血。芍藥斂陰，中正氣，桂枝行經絡之滯，而積冷自散。因有瘀滯，故以土瓜為主，必合桂枝。所謂寒因熱用也。

土瓜根散方

陰癰腫亦主之

土瓜根 三分
芍藥 三分
桂枝 三分
虜虫 三分

右四味杵為散，酒服，方寸匕，日三服。

寸口脈弦而大。弦則爲減。大則爲芤。減則爲寒。芤則爲虛。寒虛相搏。此名曰革。婦人則半產漏下。旋覆花湯主之。

註曰。此段言弦大之脈。並見於寸口。是病氣上浮。見于陽部。乃正氣虧而病氣勝也。故脈先見弦。弦則衛氣結。又見大大。則虛而不能斂。故釋之曰。弦則爲減。謂正氣已減。然正氣何緣而減。以寒邪乘之。乃氣結而減也。故曰減則爲寒。又釋之曰。大則爲芤。謂有邊無中。芤如按葱也。然脈何緣而中空。

以元虛不實。乃中弱而空也。故曰。芤則爲虛。虛寒相搏。病始于下。而脉見寸口。陽部是外實。內虛如鼓。故名曰革。婦人妊娠及行經。必陰陽相維而後無病。今陽浮陰弱。不能養胎。故半產。或下血而爲漏。下此因虛而寒。氣結也。結則氣不攝血而漏下矣。故以旋覆開結。氣而通其虛中之滯。加葱行其氣也。加絳少許。卽新染絳色絹也。以此爲血分引經耳。

論曰。半產漏下。血虛可知。不用補血藥者。蓋虛而

兼寒是有邪矣故以閉結為主結開而漏止其血
自生不必補也若有邪而補則邪盛而漏愈甚未
得益先得損矣

旋覆花湯方

旋覆花 三兩

葱 十四莖

新絳 少許

右三味以水三升煮取一升頓服之

婦人陷經漏下黑不解膠薑湯主之

臣億等校諸本無膠薑湯方想

是妊娠中膠艾湯

註曰婦人之經雖從下出實由心胃之氣主之故

升降有期。今日漏下。是無期也。所漏者黑。是下有因寒而滯之物。故曰陷經。陷者有降無升。久則爲黑色。故以膠艾湯主之。乃四物加甘膠艾。四物通調肝血。加甘膠峻補之。病本于寒。故以艾溫而行之也。

論曰丹溪謂婦人之經。淡爲有水。紫爲熱。黑爲熱極。故兼水化。假令其人素從熱。病來者。容有之。然而仲景之言。道其常也。

婦人少腹滿。如敦狀。小便微難而不渴。生

恐是病字後者

此爲水與血俱結在血室也。大黃甘遂湯主之。

註曰：少腹滿前之小腹滿也。如敦狀如人敦而不

起。則氣從後注。今溺滿在前而血瘀在後。故曰如

敦狀。小便微難。是溺亦微有病而不甚也。不渴。知

非上焦之氣熱不化。更在生病後。則知餘邪未清。

故使血室不淨。血室在膀胱之後。病在彼。故氣如

後注而敦者。然明是溺與血俱病。故曰此爲水與

血俱結在血室。大黃以逐其瘀血。甘遂以去其停

水。古人治有形之病。以急去爲主。故用藥不嫌峻。

耳若阿膠則養正而不滯故加之。且以驅血中伏風也。

大黃甘遂湯方

大黃 四兩 甘遂 二兩 阿膠 二兩

右三味以水三升煮取一升頓服之其血當下

婦人經水不利下抵當湯主之

亦治男子膀胱滿急有瘀血者

註曰不利下者明知有血欲行而不肯利下既非若久閉不至亦非若行而不暢如一月再見者是。有形之物礙之故以大黃桃仁水蛭蟲虫峻逐之。

抵常湯方

水蛭

三十枚

蟅蟲

三十枚

桃仁

七大

黃三兩

右四味為末

水五升

煮取三升

去滓

溫服

一升

婦人經水閉不利。臍堅癖不止。中有乾血。下白物。礬

石丸主之。

註曰此言閉則經阻不行矣。然其子臍寒。癖更堅。

癖而下不止。乃中有乾血。故所下者。但白物。而非

血也。以礬石丸主之者。其經阻之由。雖在子藏。實

大腸之濕熱侵之。使子藏得熱。而有乾血。與着臍

下之瘀血不同。故不用前之可瘀血湯。但以礬石

却水去濕為君。杏仁利大腸之氣為佐。而內之大

腸謂大腸之濕熱去而于藏之乾血自行則白物止而經不閉也。

礬石丸方

礬石

三分燒

杏仁一分

右二味末之煉蜜丸棗核大內藏中劇者再內之
婦人六十二種風腹中血氣刺痛紅藍花酒主之

註曰六十二種風此言凡婦人病挾風者無不治之其六十二之名詳考方書皆不能悉血氣刺痛是言因血虛或腹中受風寒之邪如經前後胎前

後產前後皆是以別于寒疝者而言故以血氣二字殊言之痛而言刺蓋血氣之痛其狀如刺亦不同于寒疝也紅藍花一味之力能槩之者色紅與血同類性味辛溫而微苦能入心肝衝任而行血和血血和則風自滅也得酒則力更大故凡風證血證皆宜之

紅藍花酒方

紅藍花二兩

右一味以酒一大升煎減半頓服一半未止再服

婦人腹中諸疾痛當歸芍藥散主之

方見
妊娠

註曰此言婦人之病大槩由血故言諸疾痛皆以

木苓澤歸芍藥主之謂即有因寒者亦不過稍為

加減非真以此方槩腹中諸痛也

婦人腹中痛小建中湯主之方見虛勞中

註曰此言婦人之病既槩由血則虛者多從何補

起唯有建中之法為妙謂後天以脾胃為本胃和

而飲食如常則自能生血而痛止也小建中即桂

枝湯加飴糖也言外見當扶脾以統血不當全恃

四物之類耳。前產後附千金內補當歸建中湯正
此意也。

問曰：婦人病飲食如故，煩熱不得卧而反倚息者，何
也？師曰：此名轉胞，不得溺也。以胞系了戾，故致此病。
但利小便則愈。腎氣丸主之。

註曰：不見寒熱而飲食如故，則表裏俱無邪矣。然
煩熱不得卧而反倚息，病形頗急，故疑而問。不知
下氣上逆，膈受之，則內熱而煩。陽明之氣下行，逆
則不得卧。逆則氣高高，則氣極，故反倚息，不能循。

呼吸之常乃倚息而如喘也。其所以氣逆之故。蓋小便因氣化而出。下有熱滯。不得出。久則氣亂而胞轉轉。則愈不得溺。故曰以胞系了戾致此病了。戾者其系紐轉也。然既無表裏。自當但利小便。則胞中之氣有藥使之仍出。故道乃氣直而系不得紐也。然不用八正等。而以腎氣丸主之者。謂胞系了戾。初因氣溢而溺滿。滿則氣亂而轉。氣滯之由。則因熱聚。熱聚之由。因元虛。故以六味補其下元。導之使出。又以桂枝化其氣。附子健其氣行之勢。

所謂補正以逐邪也。若一味淡滲則元氣削而餒。餒則反不能出矣。

腎氣丸方

乾地黄 八兩 薯蕷 四兩 山茱 四兩 澤瀉 三兩

牡丹皮 三兩 茯苓 三兩 桂枝 一兩 附子 各一兩

右八味末之煉蜜和丸梧子大酒下十五丸加至

二十五丸日再服

蛇床子散溫陰中坐藥

註曰坐謂內入陰中如生產謂坐草之坐也。

蛇一味末之以白粉少許和合相得如棗大綿裹

內之自然溫

少陰脉滑而數者陰中卽生瘡陰中蝕瘡爛者狼牙湯洗之

註曰少陰脉卽左尺脉也數爲熱然尚有虛而假熱者滑則爲實邪矣邪熱結于陰故陰中卽生瘡至于瘡熱內蝕以致糜爛則熱勢浸淫爲甚矣故以狼牙草湯洗之狼牙苦能清熱辛能散邪毒能殺虫也

狼牙湯方

狼牙 三兩

右一味以水四升煮取半升以綿纏筋如繭浸湯

瀝陰中日四遍

胃氣下泄陰吹而正喧。恐是結字此穀氣之實也膏髮煎

導之。方見黃疸中

註曰下泄與下陷不同下陷為虛下泄者氣從陰

門而泄出故曰陰吹吹者氣出而不能止也然必
有不宜結而結者于是有不宜泄而泄故曰正結

謂大便之氣燥而閉也。此有熱邪。因穀氣不運而
來。故曰此穀氣之實也。既有實邪。非升提藥可愈。
故須猪膏之滋陰。髮前之養血。補其陰而潤其氣。
大陽之氣潤而此通。則彼塞矣。

小兒疳虫蝕齒方

雄黃

葶藶

右二味末之。取臘日猪脂。鎔以槐枝綿裹頭四五
枝。醮藥炤之。

註曰。是方疑有誤。此篇爲婦人襍方。而獨附小兒。

一。方。恐。亦。是。毋。因。小。兒。而。病。也。大。約。雄。黃。取。其。去。
風。殺。虫。肺。為。氣。主。連。濕。為。熱。故。以。葶。藶。泄。肺。氣。而。
取。其。邪。之。源。耳。

張仲景金匱要畧論註卷二十二終

金匱要畧論註

卷二十二

婦人

三

題唐文徵士

鳳野北。朝為晨。王臺盛。燕然好。以。詩。賦。野。和。原。而。
一。丈。碧。水。長。流。因。心。水。流。深。出。大。海。流。黃。河。其。志。

張仲景金匱要畧論註卷二十三

樵李徐 彬忠可甫著 姪徐 然撫辰父較

雜療方第二十三

論一首 脈證一條 方二十二首

退五臟虛熱四時加減柴胡飲子方

註曰此當與內經所謂凡傷於寒皆為熱病者對
看蓋傷寒邪自外來外來之邪為經絡間病為實
邪故此言五臟以別于表也曰虛熱以別于實邪
也謂五臟之間為虛邪所襲因而氣滯不暢則表

不隨病氣
加減乃五
藏盛熱肩
無邪也

裏之間虛邪作熱唯虛邪故四時皆有之唯虛邪
不若表邪傳經之互異故但隨四時之氣補瀉所
宜相爲加減柴胡爲表裏陰陽和解之劑且性能
升少陽生生之氣故以爲君白朮補中以養正氣
故以爲臣人身之中宣發則正氣流通壅滯則氣
湧爲熱故以桔梗開提上焦之氣陳皮利中焦之
氣枳榔快腹中之氣爲使生薑佐柴胡宣之于外
佐枳榔散之于內名爲退虛熱不全任補亦不用
寒劑謂此熱乃氣分壅熱非陰虛發熱亦非外感

表邪也。然冬月多加柴胡。此時少陽之氣欲出于地。故多加柴胡以助之。則陽長。陽長則三陽自泰也。至春勾萌漸發。甲拆求申。故加枳實以轉動其機。減白朮。恐土燥則木不榮也。夏月熱傷元氣。甘草功同人參。故獨增此以佐白朮壯中氣。但長夏濕熱盛。則氣滯。藥亦如春。而加甘草。不減白朮。但加枳實。生薑取宣補。並行以助其發榮也。若秋之藥與冬同氣。至此時漸收。稍加陳皮。以溫中快脾。謂秋冬收藏之令。自不同于春夏耳。

加減柴胡飲子方

柴胡 八分
白朮 八分
大腹楨榔 四枚并皮不用

陳皮 五分
生薑 五分
桔梗 七分

以上冬三月柴胡稍多

柴胡
陳皮
大腹楨榔
生薑

桔梗
枳實

以上春三月比冬減白朮增枳實

柴胡
白朮
大腹楨榔
陳皮

生薑
桔梗
枳實
甘草

以上夏三月比春多甘草仍用白朮

柴胡

白朮

大腹楸榔

陳皮

生薑

桔梗

以上秋三月同冬三月唯陳皮稍多

右各咬咀分爲三貼一貼以水三升煮取二升分
溫三服如人行四五里進一服如四體壅添甘草
少許每貼分作三小貼每小貼以水一升煮取七
合溫服再合滓爲一服重煮都成四服

長服訶黎勒丸方

註曰訶黎性溫苦重酸輕。有下氣消痰之功。故合
五味五倍用。則收瀼。合橘皮厚朴用。則下氣。合人
參用。則治嗽。此云長服。蓋黎勒之下氣。苦中帶酸。
利而兼澁。故本草既謂破胸膈結氣。通利津液。又
謂止洩痢。治久嗽。所以能消腹中百病。可長服也。

訶黎勒

三兩

陳皮

三兩

厚朴

三兩

右三味末之。煉蜜丸。如梧子大。酒飲服二十九。加
至三十九。

三物備急丸方

註曰此方妙在乾薑巴黃峻利寒熱俱行有乾薑以守中則命蒂常存且以通神明而復正性故能治一切中惡卒死耳。

大黃

一兩

巴豆

一兩去皮心熬外研如泥

乾薑

一兩

右藥各須精新先搗大黃乾薑爲末研巴豆內中合治一千杵用爲散蜜和丸亦佳密器貯之莫令歇氣主心腹諸卒暴百病若中惡客忤心腹脹滿卒痛如錐刺氣急口噤停尸卒死者以煖水若酒服大豆許三四丸或不可下捧頭起灌令下咽須

與當差如未差更與三九當腹中鳴即吐下便差

若口噤亦須折齒灌之

治傷寒令愈不復紫石寒食散方

註曰熟玩此方可悟病後收攝餘邪調和陰陽之

法曰傷寒是病邪從外來有未盡清楚者也欲使

愈而不復發既無邪之可驅補之徒足動其氣故

以諸石藥之入陰而固本清熱者以和其陰以薑

附桂枝之入陽而運其本氣者以復其陽以防風

搜伏風桔梗搜開提肺氣以文蛤散結熱鬼臼除毒

思遠云凡

病服利湯

得愈者此

後慎勿服

補湯蓋得

補湯病勢

還復成更

重瀉之則

其人重受

藥也數語

正可與此
方相參理
會

惡氣其間。鐘乳補肺。餘糧益脾。赤白石脂。紫石英。補心而養肺。鎮浮補養。雖有不同。其為和陰則一也。乾薑壯中宮之陽。桂枝行上焦之陽。附子復下焦之陽。亦有不同。其為復陽則一也。合栝萸有調劑之力。合桔梗有開發之妙。于是陰陽平而氣血調。病何從復哉。然方名尚有寒食二字。方下無之。恐是將寒食調服。後或脫誤耳。未詳候參。

紫石英

十分

白石英

十分

赤石脂

十分

鐘乳

煨十分

栝萸根

十分

防風

十分

桔梗

十分

文蛤

十分

金匱要略命注

卷二

三

標療

鬼白

各十分

太一餘糧

十分燒

乾薑

附子

炮去皮

桂枝

去皮各四分

右十味杵為散酒服方寸匕

救卒死方

薤搗汁灌鼻中

又方

雄雞冠割取血管吹內鼻中

豬脂如雞子大苦酒一升煮沸灌喉中

雞肝及血塗面上以灰圍四旁立起

大豆二七粒以雞子白并酒和盡以吞之

註曰凡人陽氣一分不盡則不灰故救卒灰唯以復其陽氣爲主若鼻氣通于天天陽之所通也口氣通于地地陽之所通也面爲諸陽之聚屬陽明中土人陽之所通也故或以薤或以雞冠血二物皆能通天分之陽故以灌鼻中猪脂能通膚中之陽苦酒爲引雞子白能通腎中之陽大豆爲引故以之灌喉雞屬巽肝爲魂之主塗面則內通于胃以灰圍四旁則氣更束而內入相引入肝故肝氣

通而愈

救卒然而壯熱者方

礬石半觔以水一斗半煮消以漬脚令沒踝

救卒然而目閉者方

騎牛臨面搗薤汁灌耳中吹皂角末鼻中立效

救卒然而張口反折者方

灸手足兩爪後十四壯飲以五毒諸膏散有巴豆者

救卒然而四肢不收失便者方

馬屎一斗水三斗煮取二升以洗之又取牛洞稀

也
一升温酒灌口中灸心下一寸臍上三寸臍下

四寸各一百壯差

註曰凡卒死皆中惡鬼忤之類。然有既死而現證
各異。正可別其邪傷何臟。庶對治無誤。如死矣而
壯熱。衛氣起于下焦。非邪熱搏腎。而何磬。最能解
腎陰之毒。故以之漬脚。令沒踝。盡太谿之界也。若
目閉。是陰盛。格陽在下。故以薤汁灌耳。通其心腎
之氣。達其肺胃之靈。若口張反折。有角弓反張之
意。邪在經也。故先灸手足。以達其外陽。復飲五毒。

膏以徹其內氣。若四時不收而失便是陰陽隔絕。不通故陽不開陰不闔也。馬屎能通陽故洗之。牛洞能入脾故合酒灌口中以發其欲絕之氣。而又灸上中下三焦以回其陽也。

救小兒卒然而吐利不知是何病方

狗屎一丸絞取汁以灌之。無濕者水煮乾者取汁。註曰吐利非卽死病吐利而卒死又無他病可據。則知上吐下利病在中矣。狗性熱善消物糞乃已。消之淳病邪得之如其消化類相感也。近有用狗

即前寸一

脉沉大而

滑卒厥證

一得是也

卷

糞以治膈噎。有用狗屎中骨末以治腹痛。百藥不効。而骨立欲死者。無不神驗。可悟此理矣。

尸蹶脉動而無氣。氣閉不通。故靜而死也。治方

脉證見上

草蒲屑內鼻孔中吹之。令人以桂屑着舌下。

又方

剔取左角髮方寸燒末。酒和灌令入喉。立起。

註曰尸蹶者如尸之靜而不動也。然脉仍動。而但

無氣。內經曰。壅遏榮氣。令無所避。是謂脉動則榮。

氣未絕但衛分之氣閉而不通無氣則靜故靜而
死治法但取通氣固矣然不用皂莢等而用草菖
蒲屑蓋脉屬心脉動是心有氣故以菖蒲屑吹耳
以通心氣桂屑着舌下以入血分而引陽外達乃
從陰引陽以開其閉也若剔取左角髮左屬血髮
爲血氣之上出者故合酒以升發其血中之氣則
閉自通亦卽前方之意總是引血分之氣通之于
衛分也

救卒死容忤死還魂湯主之方

麻黃

二兩去節用

杏仁

去皮尖十七個

甘草

一兩炙

右三味以水八升煮取二升去滓分令咽之通治

諸感時

又方

韭根 一把

烏梅 二七個

吳茱萸

半升炒

右三味以水一斗煮之以病人櫛內中三沸櫛浮

者生沉者死煮取三升去滓分飲之

註曰凡卒死及客忤死總是正不勝邪故陽氣驟

閉而死肺朝百脉為一身之宗麻黃杏仁利肺通

陽之君藥合灸草以調中故為救卒死主方名曰
還魂湯著其功也若非根有薤白之功烏梅右開
關之力吳茱能降濁陰陰降而關開則魂自還故
亦取之然櫛浮則生沉則死蓋櫛為本人日用之
物氣之所及也浮則其人陽氣未絕沉則久已有
陰無陽故主死然仍分飲之信櫛無寧信藥耳

救自縊死且至暮雖已冷必可治暮至且小難也恐
此當言念氣盛故也然夏時夜短于晝又熱猶應可
治又云心下若微溫者一日以上猶可治之方

徐徐抱解不得截繩上下安被卧之一人以腳踏
其兩臂手少強其髮當弦弦勿縱之一人以手按
據胸上數動之一人摩捋臂脛屈伸之若已僵但
漸漸強屈之并按其腹如此一次頃氣從口出呼
吸眼開而猶引按莫置亦勿苦勞之須臾可少與
桂湯及粥清舍與之令濡喉漸漸能嚥吸稍止若
向令兩人以管吹其兩耳采好此法最善無不活
者

凡中暈厥不可使得冷得冷便死療之方

屈草帶繞喝人臍使三兩入溺其中令溫亦可用
熱泥和屈草亦可扣瓦碗底按及車缸以着喝人
臍令溺須得流去此謂道路窮卒無湯當令溺其
中欲使多人溺取令溫若湯便可與之不可泥及
車缸恐此物冷喝既在二月得熱泥土煖車缸亦
可用也

救溺方

取竈中灰兩石餘以埋人從頭至足水出七孔卽
活

原註曰右療自縊溺暈之法並出自張仲景爲之
其意殊絕殆非常情所以及本草所能關實救人之
大術矣傷寒家數有暈病非此遇熱之暈

治馬墜及一切筋骨損去

大黃

一兩切候湯成下

緋帛

如手大燒灰

亂髮

如雞子大燒灰

久用炊單布

一尺燒灰

敗蒲

一握三寸即蒲席也

桃仁

四十九個去皮尖熬

甘草

如中指節炙判

右七味以童子小便量多少煎湯成內酒一大盞

次下大黃去滓分溫三服先到敗蒲席半領煎湯

浴衣被蓋覆斯與通利數行痛楚立差利及浴水
赤勿怪卽瘀血也

註曰從高墜下雖當救損傷筋骨爲主然頓跌之
勢內外之血必無不瘀瘀不去則氣不行氣不行
則傷不愈故以桃仁大黃逐瘀爲主緋帛紅花之
餘亂髮血之餘合童便以消瘀血敗蒲亦能破血
行氣故入煎能療腹中損傷瘀血湯浴能活周身
血氣然筋骨瘀血必有熱氣滯鬱故以炊單布受
氣最多而易消者以散滯通氣從其類也加少艾

甘草補中以和諸藥也

張仲景金匱要略論註卷二十三終

金匱要略論註 卷二十三 雜

未

五

張冲景金匱要畧論註卷二十四

獮李徐 彬忠可甫著 姪徐天和朗豫父較

禽獸魚虫禁忌并治第二十四

論辨二首 合九十法

方二十一首

凡飲食滋味以養于生食之有妨反能有害自非服藥煉液焉能不飲食乎切見時人不閑調攝痰痰競起若不因食而生苟全其生須知切忌者矣所食之味有與病相宜有與身為害若得宜則益體害則成

若此是無字

疾以此致危例皆難療凡煮藥飲汁以解毒者雖云救急不可熱飲諸毒病得熱更甚宜冷飲之

註曰凡氣遇熱則增遇冷則減毒氣亦然故曰諸毒病得熱更甚凡解毒藥必甘寒之品亦此故也若乾霍亂飲熱湯則死蓋毒由邪熱熾盛故得熱更甚每見猪尿及鹽水性寒皆能愈之亦所謂飲冷不獨湯之涼也不宜辛熱藥亦可知也

肝病禁辛心病禁酸脾病禁酸肺病禁苦腎病禁甘春不食肝夏不食心秋不食肺冬不食腎四季不食

脾辨曰春不食肝者爲肝氣王脾氣敗若食肝則又
補肝脾氣敗尤甚不可救又肝王之時不可以死氣
入肝恐復魂也若非王時卽虛以肝補之佳餘臟准
此。

註曰肝病禁辛五句恐助仇也春不食肝五句恐
衰臟偏絕也若死氣入肝之說甚有妙理蓋一臟
當一臟之旺時生氣之所起也以死肝合之則死
氣借旺而復是死氣乘肝伐生生之氣若非旺時
縱有死氣不乘旺無生氣相引則死氣不復也適

足以補之而已。故曰以肝補之佳。

凡肝臟自不可輕噉。自死者彌甚。

凡心皆爲神識所舍。勿食之。使人來生復其報對矣。

凡肉及肝落地不着塵土者不可食之。

猪肉落水浮者不可食。

猪肉及魚若狗不食。鳥不啄者不可食。

猪肉不乾。火灸不動。見水自動者不可食之。

肉中有如朱點者不可食之。

六畜肉熱血不斷者不可食之。

父母及身本命肉食之令人神魂不安

食肥肉及熟羹不得飲冷水

諸五臟及魚投地塵土不污者不可食之

穢飯餒肉臭魚食之皆傷人

白死肉口閉者不可食之

六畜自灰皆疫灰則有毒不可食之

獸自死北首及伏地者食之殺人

食生肉飽飲乳變成白虫一作血虫

疫灰牛肉食之令病洞下亦致堅積宜利藥下之

肺藏米甕中有毒及經夏食之發腎病

治自死六畜肉中毒方

黃蘗屑搗服方寸匕

治食醬肉食漏脯中毒方

醬肉密器蓋之隔宿者是也漏脯茅屋漏下沾着者

是也燒犬屎酒服方寸匕每服人乳汁亦良○飲牛

非汁三升亦得

治黍米中藏乾脯食之中毒方

大豆濃煮汁飲數升即解亦治狸肉漏脯等毒

治食生肉中毒方

掘地深三尺取其下土三升以水五升煮數沸澄
清汁飲一升卽愈

治食六畜鳥獸肝中毒方

水浸豆豉絞取汁服數升愈

馬脚無夜眼者不可食之

食酸馬肉不飲酒則殺人

酸當作駿出秦穆公岐下
野人傳蓋馬肉無不酸者

馬肉不可熟食傷人心

馬鞍下肉食之殺人

白馬黑頭者不可食之

白馬青蹄者不可食之。

馬肉狍肉共食飽醉卧大忌。

驢馬肉合猪肉食之成霍亂。

馬肝及毛不可妄食中毒害人。

治馬肝中毒未灰方。

雄鼠糞二七粒末之水和服日再服尿尖者是

又方

人垢取方寸七服之佳

治食馬肉中毒欲死方。

香豉 二兩

杏仁 三兩

右二味蒸一食頃熟杵之服日再服

又方

煮蘆根飲之良

疫死牛或目赤或黃食之大忌

牛肉共猪肉食之必作寸白虫

青牛腸不可合犬肉食之

牛肺從三月至五月其中有虫如馬尾割去勿食食

則損人

牛羊猪肉皆不得以楮木桑木蒸炙食之令人腹内
生虫

噉蛇牛肉殺人何以知之噉蛇者毛髮向後順者是
治噉蛇牛肉食之欲死方

飲人乳汁一升立愈

方

以泔洗頭飲一升愈

牛乳細切以水一斗煮取一升煖飲之大汗出愈

治食牛肉中毒方

甘草煮汁飲之即愈

羊肉其有宿熱者不可食

註曰宿熱者謂舊有熱病人也羊肉補氣得補而

熱增故不可食

羊肉不可共生魚酪食之害人

羊蹄甲中有珠子白者名懸筋食之令

白羊黑頭食其腦作腸癰

羊肝共生椒食之破人五臟

猪肉共羊肝和食之令心悶

猪肉以生胡荽同食爛入臍

猪脂不可合梅子食之

猪肉和葵食之少氣

鹿肉不可和蒲白作羹食之發惡瘡

麋脂及梅李子若妊婦食之令子青盲男子傷精

麋肉不可合蝦及生菜梅李果食之皆病人

痼疾人不可食熊肉令終身不愈

白犬自死不出舌者食之害人

食狗鼠餘令人發瘦瘡

治食犬肉不消心下堅或腹脹口乾大渴心急發熱
妄語如狂或洞下方

杏仁 一升合皮熟研用

以沸湯三升和取汁分三服利下肉片大驗

音 婦人妊娠不可食兔肉山羊肉及鶩雞鴨令子無聲

兔肉不可合白雞肉食之令人面發黃

兔肉着乾薑食之成霍亂

凡鳥自死口不閉翅不合者不可食之

諸禽肉肝青者食之殺人

雞有六翮四距者不可食之

烏雞白首者不可食之

雞不可共胡蒜食之滯氣

雞一云

山雞不可合鳥獸肉食之

雉肉久食之令人瘦

雞卵不可合鱉肉食之

婦人妊娠食雀肉令子淫亂無耻

雀肉不可合李子食之

燕肉勿食。入水爲蛟龍所吞。

鳥獸有中毒箭死者。其肉有毒。解之方。

大豆煮汁及鹽汁服之解。

魚頭正白如連珠。至脊上食之。殺人。

魚頭中無腮者。不可食之。殺人。

魚無腸胆者。不可食之。三年陰不起。女子絕生。

魚頭似有角者。不可食之。

魚目合者。不可食之。

六甲日。勿食鱗甲之物。

魚不可合雞肉食之。

魚不得合鷓鴣肉食之。

鯉魚鮮不可合小豆藿食之。其子不可合猪肝食之。

害人。

鯉魚不可合犬肉食之。鯽魚不可合猴雉肉食之。

云不可合猪肝食。

鯉魚合鹿肉生食令人筋甲縮。

青魚鮮不可合胡荽及生菜并麥中食之。

鱸鱈不可合白犬血食之。

龜肉不可合酒菓子食之。

鱉目凹陷者及厥下有王字形者不可食之。其肉不得合雞鴨子食之。

龜鱉肉不可合莧菜食之。

鰕無鬚及腹下通黑煮之反白者不可食之。

食膾飲乳酪令人腹中生虫爲瘕。

膾食之在心胸間不化吐復不出速下除之久成瘕病治之方。

橘皮 一兩
大黃 二兩
朴硝 二兩

右三味以水一大升煮至小升頓服卽消
食鱠多不消結爲癥病治之方

馬鞭草

右一味搗汁飲之。或以薑葉汁飲之一升亦消
○又可服吐藥吐之
食魚後食毒兩種煩亂治之方

橘皮

濃煮汁服之卽鮮

食鱠魚中毒方

李不可多食令人臃脹

你檜不可多食令人百脉衰

橘柚多食令人口爽不知五味

梨不可多食令人寒中金瘡產婦亦不宜食

櫻桃杏多食傷筋骨

安石榴不可多食損人腹

胡桃不可多食令人動痰飲

生棗多食令人熱渴氣脹寒熱羸瘦者彌不可食傷

人

食諸果治之方

猪骨 燒過

右一味末之。水服方寸匕。亦治馬肝漏脯等毒。

木耳赤色及仰生者勿食。

菌仰卷及赤色者不可食。

食諸菌中毒悶亂欲死治之方。

人糞汁飲一升 土漿飲二升 大豆煮汁飲之

服諸吐利藥並解

食樞桂菌而哭不止治之以前方

蘆根

煮汁服之卽解

蟹目相向足斑目赤者不可食之

食蟹中毒治之方

紫蘇

煮汁飲之三升。紫蘇搗汁飲之亦良

又方

冬瓜汁飲二升食冬瓜亦可

凡蟹未遇霜多毒其熟者乃可食之

蜘蛛落食中有毒勿食之

凡蜂蠅虫蟻等集食土食之致瘦

果食菜穀禁忌并治第二十五

今并廿四
内作一

果子生食生瘡

果子落地經宿虫蟻食之者人大忌食之

生米停留多日有損處食之傷人

桃子多食令人熱仍不得入水浴令人病淋瀝熱病

杏酪不熟傷人

梅多食壞人齒

歷字下
本行寒字

誤食野芋煩毒欲死治之以前方

其野芋根山東人名魁芋人種芋三

年不收亦成野芋並殺人

蜀椒閉口者有毒誤食之載人咽喉氣病欲絕或吐下白沫身體痺冷急治之方

肉桂煎汁飲之 多飲冷水一二升。或食蒜。

飲地漿。或濃煮豉汁飲之並解

正月勿食生葱令人面生遊風

二月勿食蓼傷人腎

三月勿食小蒜傷人志性

四月八月勿食胡荽傷人神

五月勿食韭令人乏氣力

五月五日勿食一切生菜發百病

六月七日勿食茱萸傷神氣

八月九月勿食薑傷人神

十月勿食椒損人心傷心脉

十一月十二月勿食薤令人多涕唾

四季勿食生葵令人飲食不化發百病非但食中

中皆不可用深宜慎之

時病差未律。食生菜手足必腫。

夜食生菜不利人。

十月勿食結霜生菜。令人面無光。目澁心痛腰疼。或發心滯。癩砵。時手足十指爪皆青。困委。

葱韭初生。非小者。食之傷人心氣。

飲白酒。食生韭。令人病增。

生葱不可共蜜食之。殺人。獨顆蒜彌忌。

棗合生葱。食之令人病。

生葱和雄雞。雉白犬肉食之。令人七竅經年流血。

食糖蜜後四日內食生葱韭令人心痛

夜食諸薑蒜葱等傷人心

蕪青根多食令人氣脹

薤不可共牛肉作羹食之成瘕病非亦然

蓴多病恐是食字動痔疾

野苣不可同蜜食之作肉痔

白苣不可共酪同食作蠶虫

楚黃瓜食之發熱病

菜心不可食傷人葉尤冷黃背赤莖者勿食之

胡荽久食之令人多忘

病人不可食胡荽及黃花菜

芋不可多食動病

妊婦食薑令子餘指

蓼多食發心痛

蓼和生魚食之令子奪氣陰欬疼痛

芥菜不可共兔肉食之成惡邪病

小蒜多食傷人心力

食燥或躁方

金匱要略論症 卷二 雜論

豉

濃煮汁飲之

鈎吻與芹菜相似誤食之殺人解之方

薺菜 八兩

右一味水六升煮取二升分溫二升

鈎吻生地旁無他草其莖

有毛以
此別之

菜中有水薺若葉圓而光有毒誤食之令人狂亂如
中風或吐血治之方

甘草

煮汁服之卽解

春秋二時龍帶精入芹菜中人偶食之爲病發時手背腹滿痛不可忍名蛟龍病治之方

硬糖 二三升

石一味日兩度服吐出如蜥蜴三五枚差

食苦瓠中毒治之方

黎蘗

煮汁數服之解

扁豆寒熱者不可食之

久食小豆令人枯燥

食大豆屑忌噉猪肉

大麥久食令人作癩

白黍米不可同飴蜜食亦不可合葵食之

菽麥麵多食之令人髮落

鹽多食傷人肺

食冷物冰人齒

食熱物勿飲冷水

飲酒食生蒼耳令人心痛

夏月大醉汗流不得冷水洗着身及使扇卽成病

飲酒大忌灸腹背令人腸結

醉後勿飽食發寒熱

飲酒食猪肉卧秫稻穰中則發黃

食飴多飲酒大忌

凡水及酒炤見人影動者不可飲之

醋合酪食之令人血癢

食白米粥勿食生蒼耳成走症

食甜粥已食鹽卽吐

犀角筋攪飲食沫出及澆地墳起者食之殺人
飲食中毒煩滿治之方

苦參 二兩

苦酒

升半

右二味煮三沸三上三下服之吐食出卽差或以
水煮亦得。又犀角湯亦佳

食食多不消心腹堅滿痛治之方

鹽 一升

水 二升

右二味煮令鹽消分三服當吐食出便差

礬石生入腹破人心肝亦禁水

商陸以水服殺人

葶藶子傳頭瘡藥成

恐是人腦殺人

水銀入人耳及六畜等皆死以金銀着耳邊水銀則

吐吐疑是出

苦練無子者殺人

凡諸毒多是假毒以損元知時宜煮甘草薺苳汁飲

之通治諸毒藥

註曰此總結前諸毒之傷人謂一綫之毒何能傷人乃假些微毒氣滲入元氣元氣反為毒氣作使

至不可療。所謂星星之火，勢極燎原，亦唯以甘寒
如甘草、薺芎，培其本氣爲主，而兼與消解毒氣，自
無不愈。故爲通治諸毒之藥。見諸解毒藥，不若此
二味之精當。然亦可悟解毒之藥，槩取甘涼矣。